



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 62. Summi Pontificis querelæ apud Regni Regentem de quodam decreto.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVII. brevi publicos Beatorum honores Ve-
A. C. 1716. nerabili Bellarmino Cardinali decer-
 nendos, ut saltem hac ratione illi, qui
*tam indigne vilipenderentur in terris, ho-
 norarentur in cælis.*

§. LXII.

*Summi Pontificis querelæ apud Regni
 Regentem contra quoddam
 decretum.*

*Clem. XI.
 pag. 2142.*

Præterea Noaillius Cardinalis erga
 summum Pontificem, quem contra
 se a Jesuitis acrius irritatum suspicaba-
 tur, minus propensum fovebat animum.
 Ut vero a Pontificis ira tutum se red-
 deret, simulque eidem per latus mo-
 lestiam inferret, Conscientiæ Senatus,
 in quo ipse Præsidis partes agebat,
 auctoritate usus, ad præfatum Sena-
 tum omnes Ecclesiasticorum causas
 novo edicto evocari adlaboravit: Hoc
 comperto Pontifex, cum Ecclesiæ li-
 bertatem penitus everti crederet, die
 prima Maij ad Philippum Regni Recto-
 rem querulas hæc dedit literas:

„Quartus jam labitur mensis, ex
 „quo inaudivimus editam isthic fuisse
 „sub nomine charissimi in Christo Filii
 „Nostri Ludovici Francorum Regis Chri-
 „stianissimi, ordinationem quamdam
 „pro norma consilii, quod *Conscientiæ*
 „vocat,

„vocant, observandam, qua Ecclesiæ Sæc. XVIII.
 „libertatem ac jura non modo lædi, A. C. 1716.
 „sed pene funditus everti, rumor ipse
 „publicus ad Nos attulit. Pervenit
 „paulo post ad manus nostras ejusmodi
 „Ordinationis exemplum, illudque re-
 „vera adeo iis, quæ fama vulgaverat,
 „consonum deprehendimus, ut ægre
 „adduci potuerimus ad credendum,
 „ipsam Ordinationem veram esse, nec
 „levis animo nostro inhæserit suspicio
 „potuisse illam a turbulentis, ac male
 „cordatis hominibus subdole effingi,
 „ad conflandam novo Regimini invi-
 „diam, ac imminuendam eorum lau-
 „dem, quæ a Te pro salubri, rectaque
 „istius florentissimi Regni administra-
 „tione constituta fuerunt. Verum cum
 „non sine gravissimo animi nostri dolore
 „satis jam, superque certi facti fueri-
 „mus, non modo præfatam Ordinatio-
 „nem vere promulgatam fuisse, sed e-
 „tiam ex illius præscripto occurrentia
 „negotia nunc discuti in memorato con-
 „silio *Conscientiæ*, atque inde ad aliud
 „generale Consilium Regiminis deferri:
 „tacere amplius non possumus, nisi
 „muneri nostro turpiter deesse, ne-
 „glectique graviter apud æternum Ju-
 „dicem Pastoralis officii rei esse veli-
 „mus. Quomodo enim tacebimus, ubi
 „in eadem ordinatione perspiciamus,
 „dis-

Sæc. XVIII. „disiectis plane ac penitus revulsis ter-
 A.C. 1716. „minis illis, quos inter spiritualem &
 „sæcularem potestatem divino nutu po-
 „suerunt Patres nostri, præfato con-
 „filio Conscientiæ inter cætera attri-
 „bui, ut generatim, ac universe præ-
 „scribat Regulas, quas ab eo postulari
 „contigerit in iis, quæ ad disciplinam
 „Ecclesiasticam, Sacramentorum ad-
 „ministrationem, divinique cultus, ac
 „servitii decorem pertinere noscuntur?
 „Ut absque ullo discrimine cognoscere
 „valeat de querelis Diæcesium, quæ
 „ab Episcopis, Capitulis, seu aliis com-
 „munitatibus tam sæcularibus, quam
 „regularibus, aliisque privatis ad illud
 „deferuntur super negotiis Ecclesiasti-
 „cis? ut illis sibi liceat se immiscere
 „quæstionibus, quæ de rebus ad reli-
 „gionem spectantibus in Universitatibus,
 „ac potissimum in Facultatibus sacræ
 „Theologiæ quandoque excitantur? ut
 „novas insuper institutiones, seu re-
 „formationes in Monasteriis introdu-
 „cendas, ac tam veteres, quam recen-
 „tes illorum Constitutiones, necnon
 „leges, seu ordinationes quascunque,
 „quæ pro Regularibus Ordinibus seu
 „pro communitatibus sæcularibus pro-
 „ponuntur iis, quæ religionem, & di-
 „sciplinam Regularem, & Monasteria
 „ejusmodi domorum respiciunt, expen-
 „dere

„dere valeat? Quis jam non videt his, Sæc. XVIII.
 „& aliis pluribus, quæ in præfata or- A. C. 1716.
 „dinatione continentur, Sedis Apосто-
 „licæ jura perturbari, Ecclesiasticam
 „libertatem everti, Episcoporum au-
 „thoritatem pessumdari, leges demum,
 „ac Regulas a sæculari potestate præ-
 „scribi Divinæ institutioni penitus ad-
 „versantes? quis non videt, si hæc
 „diutius dissimulari contingeret, quæ-
 „nam inde antiquæ disciplinæ defor-
 „matio, & ruina, quænam recti Ordi-
 „nis perturbatio, quænam demum sa-
 „crarum & profanarum rerum contur-
 „batio secutura esset non tantum in Gal-
 „lia, sed in omnibus aliis Christiani Or-
 „bis Provinciis, manante indies latius
 „ubique gentium exempli auctoritate?
 „Ad te proinde voces & vota nostra
 „convertimus, dilectissime in Christo
 „Fili noster, cui in clyti istius Regni per
 „minorem Regis ætatem administrandi
 „cura commissa est, intimo Te paterni
 „nostri cordis affectu, ac in visceribus
 „Christi Jesu rogantes, & obsecrantes,
 „imo & tanquam Deo adhortante per
 „Nos, requirentes & serio admonentes;
 „ut posthabitis eorum consiliis, qui ter-
 „rena tantum sapiunt, ac tum maxime
 „te Republicæ quæstum fecisse putant,
 „cum aliquid Ecclesiæ detraxerint, in-
 „noxio ejusmodi Regis nomini irroga-
 „tam

Sæc. XVIII. „tam maculam omnino deleas, nec
 A. C. 1716. „nas ejusmodi nomen diutius Ordina-
 „tioni illi præfixum legi, qua præci-
 „pua ejusdem Regni fundamenta, que
 „in rerum sacrarum reverentia, & in
 „Ecclesiæ auctoritate, juribusque tueri-
 „dis posita sunt, convelluntur. Nonne
 „optime nosti, quod Regius puer, ubi
 „Regni gubernacula suscepturus erit,
 „solemni sacramento polliceri Deo de-
 „bebit, se Divinæ ejus gloriæ omni ope
 „& studio inservitutum, sanctæque sue
 „Ecclesiæ, ac illius Ministrorum Privi-
 „legia, libertatem ac jura conservatu-
 „rum. Nonne itidem nosti, quod ipse
 „suorum more majorum, inter tot præ-
 „claros Regiæ Majestatis titulos, eum
 „inter primos, ac pretiosos habebit,
 „quo ejusdem Ecclesiæ Protectorem,
 „ac vindicem compellari se audiet? Ne
 „igitur patiaris illum Regni sui primor-
 „dia a sacrarum ipsius Ecclesiæ legum
 „violatione auspiciari, in quibus scilicet
 „nihil magis obvium, atque frequen-
 „tius sancitum reperitur, quam quod
 „ii, quibus tantum humanis rebus,
 „non Divinis præesse permissum est,
 „nequaquam de illis, per quos Divina
 „ministrantur, judicare præsumant;
 „Sacerdotibus enim, ut sacri Canones
 „loquuntur, voluit Deus, quæ Eccle-
 „siæ disponenda sunt, concredere, non
 „sæculi

„sæculi potestatibus, quibus cum nulla
 „in iis, quæ spiritualia sunt, attributa
 „sit Facultas, discere eis in his conve-
 „nit, non docere: sanctis veterum Pa-
 „trum regulis ubique clamantibus nihil
 „ad sæculi Principes in Ecclesiasticis
 „negotiiis, præter reverentiam, per-
 „tinere. Audi, Fili dilectissime, vo-
 „ces Ecclesiæ: Audi voces nostras;
 „quin imo audi voces Christi ore Te
 „nostro alloquentis; quippe, qui ad
 „Ecclesiæ Præpositos dixit: *Qui vos*
 „audit, me audit, suscipe verba Patris
 „tui amantissimi non quærentis, quæ
 „sua sunt, sed quæ Jesu Christi, ac de
 „tua verâ felicitate, hoc est, de tua
 „imprimis æterna salute summopere so-
 „liciti. Consule honori tuo, honori
 „Regis, honori Ecclesiæ, ac ne supra
 „Episcopale fastigium, imò & supra
 „sanctam hanc Sedem erigat se sæcu-
 „lare Tribunal, ordinationem supra-
 „dictam, & quidquid ejus occasione ad-
 „versus Ecclesiæ libertatem & jura
 „actum, gestumque hætenus fuit, cor-
 „rigi & emendari quamprimum cura:
 „supernam Dei opem, tibi non minus
 „quam Regi ipsi, ac Regno usquequa-
 „que propitiam, uberem nobis & con-
 „sacerdotibus nostris gaudii materiam,
 „ingentem denique nomini tuo pietatis
 „& Religionis laudem comparaturus.
 Hist. Eccles. Tom. LXIX. Z „Id

Sæc. XVIII;
 A. C. 1716.

Sæc. XVII. „Id porro, ut juxta datam tibi a Domi-
A. C. 1716. „no Sapienciam alacrius exequi valeas,
 „scire Te volumus, quæcunque in ea-
 „dem Ordinatione sive sanctæ Dei Ec-
 „clesiæ, sive Apostolicæ Sedis rationi-
 „bus quovis modo officiant, seu officere
 „possunt, per se manifesto irrita & ina-
 „nia esse, nulliusque roboris ab initio
 „fuisse, ac perpetuo fore, prout Nos
 „illa, quatenus opus sit, cum omnibus
 „inde secutis & quândocunque secuto-
 „ris auctoritate Apostolica tenore præ-
 „sentium declarâmus.,

§. LXIII.

*Quesnelli querelæ contra Joannem
 Claudium Pictaviensem
 Episcopum.*

*Lettre du
 P. Quesnell.
 a l'Éveque
 de Poitiers.
 Prop. damn.
 LXXIX.
 LXXX.
 & seqq.*

Hoc item anno die decima nona Ja-
 nuarii Joannes Claudius Pictaviensis
 Episcopus mandatum Pastorale edidit,
 in quo contra P. Quesnellum, quem
 Novatorem nominabat, ejusque propo-
 sitiones damnatas de promiscua lectio-
 ne S. Scripturæ suo Clero & communi
 gregi interdixit, vetuitque, ne hæc
 propositiones per Constitutionem Uni-
 genitus proscriptas innovarent, eoquod
 ad evertendam fidelium submissionem
 erga legitimæ potestatis auctoritatem
 hac in re debitam colliment, & hære-
 ticorum